

ORGANET KOLEGJIALE, LIGJ *COLLEGIAL BODIES, LAW*

Version jozyrtar i Ligjit për organet kolegjiale të administratës shtetërore dhe enteve publike

Azhornimi i fundit 2016 04 06

L I G J

Nr.8480, date 27.5.1999

PËR FUNKSIONIMIN E ORGANEVE KOLEGJIALE TE ADMINISTRATËS SHTETËRORE DHE ENTEVE PUBLIKE

Ne mbështetje të neneve 78 dhe 83 pika 1 të Kushtetutës, me propozimin e Këshillit të Ministrave

K U V E N D I **I REPUBLIKËS SE SHQIPËRISË**

V E N D O S I:

Neni 1

Përkufizime

Organe kolegjiale të administratës shtetërore dhe të enteve publike në kuptimin e këtij ligji, do të quhen të gjitha ato subjekte të së drejtës publike të cilat e ushtrojnë veprimtarinë e tyre ekzekutive vendimmarrëse në mënyrë kolegjiale.

Me ent publik për qëllimet e këtij ligji do të kuptohet çdo subjekt i së drejtës publike joshtetëror, i krijuar me ligj dhe që synon realizimin e një interesi publik.

Neni 2

Kryetari dhe sekretari

1. çdo organ kolegjial ka një kryetar dhe një sekretar, të cilët zgjidhen nga anëtarët e këtij organi, me përjashtim të rasteve kur me ligj parashikohet ndryshe.

2. Kryetari i organit kolegjal, përveç funksioneve të tjera, drejton mbledhjen e tij, drejton diskutimet dhe siguron zbatimin e ligjit dhe marrjen e vendimeve të drejta.
3. Kryetari mund të shtyjë ose të mbyllë mbledhjen përpara kohe, në rastet kur situata e përligj këtë veprim. Në këto raste duhet të merret një vendim i arsyetuar, i cili do të pasqyrohet në procesverbalin e mbledhjes.
4. Kryetari ose çdo anëtar tjetër i organit kolegjal ka të drejtë të bëjë ankime në gjykatë kundër vendimeve të marra nga ky organ dhe të kërkojë pezullimin e zbatimit të tij, kur çmon se vendimi është i kundërligjshëm.

Neni 3

Zëvendësimi i përkohshëm i kryetarit dhe sekretarit

1. Përveç rasteve kur parashikohet ndryshe, kryetari dhe sekretari i çdo organi kolegjal zëvendësohen përkohësisht, përkatësisht nga anëtari me i vjetër dhe nga anëtari me i ri në detyrë, që të dy me të drejtë vote.
2. Në rastet kur anëtarët me të drejtë vote kanë shërbyer si anëtarë për një periudhë të njëjtë kohe, zëvendësimi i përkohshëm do të bëhet përkatësisht nga anëtari me i vjetër dhe nga ai me i ri në moshe.

Neni 4

Mbledhjet e radhës

1. Kryetari vendos për datën dhe kohën e mbledhjeve të radhës, përveç rasteve kur vete organi ka vendosur ndryshe.
2. Çdo ndryshim në datën dhe kohën e vendosur për mbledhjet i njoftohet çdo anëtar të organit kolegjal, në mënyrë që ata të njihen me këto ndryshime.

Neni 5

Mbledhjet e jashtëzakonshme

Mbledhjet e jashtëzakonshme thirren nga kryetari, përveç rasteve kur parashikohet ndryshe me ligj.

Neni 6

Thirrja e mbledhjeve

1. Kryetari është i detyruar të thërrasë një mbledhje kur kjo kërkohet me shkrim nga të paktën 1/3 e anëtarëve me të drejtë vote, duke përcaktuar çështjet për të cilat thirret kjo mbledhje.
2. Lajmërimet për thirrjen e mbledhjeve bëhen brenda 15 ditëve pas paraqitjes së kërkesës nga 1/3 e anëtarëve me të drejtë vote, të paktën 48 ore para datës së thirrjes të mbledhjes.
3. Lajmërimi për thirrjen e një mbledhjeje duhet të tregojë në mënyrë të qartë dhe të detajuar çështjet për të cilat do të diskutohet.

Neni 7

Rendi i ditës

1. Përveç rasteve kur parashikohet ndryshe me ligj, kryetari vendos për rendin e ditës se çdo mbledhjeje. Rendi i ditës duhet të përfshijë ato çështje që i janë propozuar atij nga anëtarët e organit kolegjal me të drejte vote dhe që janë në kompetencë të këtij organi. Kërkesa për ta futur një çështje në rendin e ditës duhet të bëhet me shkrim, të paktën 5 ditë përpara datës së vendosur për mbledhjen.
2. Rendi i ditës duhet t'i shpërndahet të gjithë anëtarëve, të paktën 48 ore përpara datës dhe kohës së mbledhjes.

Neni 8

Marrja e vendimeve

Organi kolegjal merr vendime vetëm për çështje të cilat janë përfshirë në rendin e ditës së mbledhjes, përveç rasteve kur të paktën 2/3 e anëtarëve vendosin për shqyrtimin dhe marrjen e vendimeve për çështje që nuk janë në rendin e ditës.

Neni 9

Mbledhjet e hapura

1. Mbledhjet e organeve kolegjiale jo të zgjedhura nuk bëhen të hapura, përveç rasteve kur ligji parashikon ndryshe.
2. Kur mbledhjet bëhen të hapura duhet njoftuar data, ora dhe vendi i mbledhjes, në mënyrë që të garantohet njoftimi i palëve të interesuara. Ky njoftim bëhet të paktën 48 ore përpara datës së mbledhjes.

Neni 10

Thirrja e mbledhjeve në kundërshtim me rregullin

Mbledhja e organit kolegjal është e vlefshme edhe kur nuk respektohen procedurat e parashikuara për thirrjen dhe zhvillimin e saj, vetëm në rast se në atë mbledhje marrin pjesë të gjithë anëtarët me të drejte vote, të cilët, paraprakisht, miratojnë zhvillimin e mbledhjes.

Neni 11

Kuorumi

1. Mbledhja e organit kolegjal, është e vlefshme kur janë të pranishëm më shumë se gjysma e anëtarëve të tij.
2. Kur në hapjen e mbledhjes nuk janë të pranishëm shumica e anëtarëve, kryetari vendos thirrjen e mbledhjes në një ditë tjetër, të paktën 24 ore pas se pares. Në këtë rast mbledhja është e vlefshme në qofte se janë të pranishëm së paku gjysma e anëtarëve me të drejte vote.

Neni 12

Votimi i detyrueshëm

Anëtarët e organit kolegjal, qe janë te pranishëm ne mbledhje dhe qe nuk kane ndonjë pengese ligjore për te votuar, nuk mund te abstenojnë, përveç organeve te zgjedhura dhe kur parashikohet ndryshe nga ligji.

Kryetari i organit kolegjal voton i fundit.

Neni 13

Forma e votimit

1. Vendimet merren me votim te hapur, përveç rasteve kur dispozitat ligjore parashikojnë ndryshe.
2. Vendimet qe përmbajnë vlerësime mbi sjelljen ose cilësitë e një individi merren me votim te fshehte.
3. Ata anëtarë te organit kolegjal qe kane ndonjë pengese ligjore nuk duhet te jene te pranishëm gjate diskutimeve dhe votimit.

Neni 14

Shumica e nevojshme për te marre vendime

1. Vendimet merren me shumicën e votave te anëtarëve qe marrin pjese ne mbledhje dhe kane te drejtën e votës, përveç rasteve kur me ligj kërkohet një shumice e cilësuar.
2. Kur kërkohet një shumice e cilësuar dhe kjo nuk arrihet, kryhet një votim i dyte. Ne qofte se edhe ne votimin e dyte do te përsëritet e njëjtë situata, vendimi shtyhet për t'u marre ne mbledhjen tjetër, ne te cilën një shumice e thjeshte do te ishte e mjaftueshme.

Neni 15

Barazia e votave

1. Ne rastet kur rezultati i votimit është i barabarte dhe votimi nuk ka qene i fshehte, vota e kryetarit është vendimtare.
2. Ne rast se votimi behet i fshehte dhe votat janë te barabarta, do te kryhet një votim i dyte. Kur edhe ne votimin e dyte ka barazi te votave, vendimi do te shtyhet për mbledhjen tjetër. Ne qofte se ne votimin e pare te mbledhjes tjetër do te kemi përsëri një barazi votash, atehere do te kryhet votim i hapur, me përjashtim te rasteve te parashikuara ne piken 2 te nenit 13.

Neni 16

Procesverbali i mbledhjes

1. Ne çdo mbledhje mbahet një procesverbal, ku behet një përmbledhje e gjithçkaje u tha ne mbledhje, data dhe vendi i mbledhjes, anëtarët qe morën pjese, çështjet qe u diskutuan, vendimet qe u morën, si dhe forma dhe rezultati i votimeve.
2. Procesverbali mbahet nga sekretari dhe duhet t'u paraqitet për miratim te gjithë anëtarëve ne fund te mbledhjes ose ne fillim te mbledhjes pasardhëse. Pas miratimit procesverbali nënshkruhet se bashku nga kryetari dhe sekretari.

3. Ne rastet kur vete organi e shikon te arsyeshme dhe mbledhja është e ndare ne seanca, procesverbali miratohet menjëherë pas përfundimit te seancës përkatëse.

4. Vendimet jonormative te organeve kolegjiاله hyjnë ne fuqi vetëm pasi te jete miratuar procesverbali përkatës.

Neni 17

Përfshirja ne procesverbal e votave "kundër"

1. Anëtarët e organit kolegjiاله mund te kërkojnë qe te shënohet ne procesverbal fakti dhe arsyet e votimit kundër një vendimi te marre nga ai organ.

2. Anëtarët, te cilët kane votuar kundër një vendimi dhe kane kërkuar shënimin e këtij fakti ne procesverbal, sipas paragrafit 1 te këtij neni, përjashtohen nga çdo përgjegjësi qe mund te rrjedhe nga ky vendim.

Ne rastet kur vendimet do t'i dërgohen një organi me te larte te administratës, këto vendime do te shoqërohen me deklarimet e votave te te gjithë anëtarëve.

Neni 18

Te gjitha ato organe kolegjiاله te administratës shtetërore dhe te enteve publike, te cilat funksionojnë mbi bazën e ligjeve te posaçme, do te vazhdojnë te funksionojnë mbi bazën e ligjeve ekzistuese për sa kohe qe këto te fundit do te jene ne fuqi. Veprimtaria e organeve kolegjiاله ekzistuese do t'i nënshtrohet dispozitave te këtij ligji vetëm për ato çështje (aspekte) te cilat janë te parregulluara nga ligje te posaçme.

Neni 19

Ky ligj hyn ne fuqi 15 dite pas botimit ne Fletoren Zyrtare.

Shpallur me dekretin nr.2389, date 7.6.1999 te Presidentit te Republikës se Shqipërisë,
Rexhep Meidani